

**ZAPISNIK
SA VIII PROŠIRENE SJEDNICE UPRAVNOG ODBORA
UDRUŽENJA POSLODAVACA FBiH**

održane dana 01.06.2017. godine (četvrtak), sa početkom u 11:30 časova u prostorijama kompanije Feal d.o.o., Trnska cesta 146, Široki Brijeg.

Sjednici su prisustvovali članovi Upravnog odbora UPFBiH: Adnan Smailbegović, Milenko Čolak, Kemal Čolak, Mario Čulina, Eldin Hadžiselimović, Izet Imamović, Marin Raspudić.

Sjednici su po ovlaštenju članova Upravnog odbora UPFBiH prisustvovali: Željko Marjanović (po ovlaštenju Vilima Primorca), Darko Josipović (po ovlaštenju Tomislava Sliškovića), Miljenko Crnjac (po ovlaštenju Safudina Čengića), Sanja Ćorić (po ovlaštenju Nijaza Skenderagića).

Sjednici nisu prisustvovali članovi Upravnog odbora UPFBiH: Safudin Čengić, Sanel Kusturica, Ante Suton, Enisa Bekto, Suhad Ećo, Adisa Karahodžić, Snježana Kopruner, Ramiz Grapkić, Kemal Hrnjić, Rusmir Hrvić, Nurdin Peštalić, Tomislav Slišković, Nijaz Skenderagić, Vilim Primorac, koji su opravdali svoj izostanak.

Sjednici su prisustvovali članovi ESV-a za teritoriju FBiH: Josip Kraljević i Zoran Gazibarić.

Sjednici su prisustvovali i predstavnici poslodavaca: Joško Kožul, Tončo Barbarić, Admira Isaković, Kristina Ćosić, Alma Aščić, Ramiz Karić, Ibrahim Meškić, Ramiz Mušić, Danijel Bukmir, Boris Kamšigovski, Sonja Horvat-Granić, Javorka Soldo, Ahmedin Šabanagić.

Ispred UP FBiH: Mladen Pandurević, Jasmina Kurspahić, Zlatan Dedić i Vedrana Živković.

Sjednicu je otvorio predsjednik Upravnog odbora UP FBiH Adnan Smailbegović.

Pozvao je Tonču Barbarića, domaćina ovog Upravnog odbora u Širokom Brijegu da se obrati. Tončo Barbarić je ukratko prezentirao rad i uspjehe kompanije Feal d.o.o., a nakon njegovog obraćanja emitovan je film o pomenutoj kompaniji.

Adnan Smailbegović je predložio slijedeći:

DNEVNI RED

- 1.** Usvajanje Zapisnika sa VII redovne sjednice UO
- 2.** Izvještaj sa svečane Skupštine Udruženja poslodavaca FBiH
 - a.** Narativni izvještaj sa svečane Skupštine

- b. Finansijski izvještaj sa svečane Skupštine
3. Potvrđivanje Odluka Izvršnog odbora:
- a. Prijedlog Odluke o potvrđivanju delegata za 16. redovnu Skupštinu
 - b. Prijedlog Odluke o dodjeli priznanja UP FBiH
 - c. Prijedlog Izvještaja o radu UO UP FBiH za 2016. godinu
 - d. Prijedlog Izvještaja delegacije ESV-a za teritoriju FBiH za 2016. godinu
 - e. Prijedlog Finansijskog izvještaja UP FBiH za 2016. godinu
 - f. Prijedlog Programa rada UP FBiH za 2017. godinu
 - g. Prijedlog Finansijskog plana UP FBiH za 2017. godinu
 - h. Prijedlog za razrješenje člana delegacije u ESV-u za teritoriju FBiH i imenovanju novog člana
 - i. Odluka o podršci Projekta „Made in BiH“
4. Razmatranje i usvajanje Prijedloga Zakona o izmjenama i dopunama Zakona o porezu na dobit FBiH
5. Razmatranje Inicijative za donošenje Zakona o izmjenama i dopunama Zakona o zdravstvenom osiguranju FBiH
6. Razmatranje Inicijative kompanije DM drogerie markt d.o.o. u vezi sa usklađivanjem članova zakona RS i FBiH koji tretiraju deklaracije proizvoda i Inicijative u vezi sa zamjenom etiketa za cijene
7. Razrješenje člana UO UP FBiH Željka Marijana i imenovanje novog člana Upravnog odbora UP FBiH
8. Imenovanje jednog predstavnika za izradu Nacrta strategije zapošljavanja u Bosni i Hercegovini 2017-2020
9. Informacija o važenju Općeg kolektivnog ugovora za teritoriju FBiH
10. Razmatranje prijedloga Safudina Čengića, člana Upravnog i Izvršnog odbora UPFBiH u vezi poboljšanja rada Udruženja poslodavaca FBiH
11. Tekuća pitanja.

Predsjednik UO UP FBiH Adnan Smailbegović je naglasio da predlagač tačke 10. Safudin Čengić nije prisutan i da se o tački 10. neće raspravljati.

Miljenko Crnjac, predstavnik kompanije MCI je pod tačkom tekuća pitanja kandidovao:

- Informacija o stanju i fazi u kojoj se nalazi Zakon o porezu na dohodak, sa osvrtom na retroaktivno oporezivanje dividendi

Dnevni red je uz dopunu predsjednika UO UP FBiH i Miljenka Crnjca jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa VII redovne sjednice UO UP FBiH

U vezi sa ovom tačkom Dnevnog reda predsjednik UO je obavijestio članove UO UP FBiH da su dobili materijale za sve tačke Dnevnog reda uključujući i Zapisnik i zamolio da se izjasne da li imaju primjedbi. Na pomenuti zapisnik nije bilo primjedbi.

A.D.1.: Zapisnik sa VII redovne sjednice UO UP FBiH je jednoglasno usvojen.

Tačka 2. Izvještaj sa svečane Skupštine Udruženja poslodavaca FBiH

- a. Narativni izvještaj sa svečane Skupštine
- b. Finansijski izvještaj sa svečane Skupštine

Predsjednik UO UP FBiH je konstatovao da su se oba izvještaja mogla pronaći u materijalima na web stranici Udruženja, te pozvao koordinatora za marketing i članstvo UP FBiH Zlatana Dedića da ukratko prezentira narativni i finansijski izvještaj sa svečane Skupštine UP FBiH, održane 11.04.2017. godine. Na ovu tačku Dnevnog reda nije bilo primjedbi.

A.D.2.: Izvještaj sa svečane Skupštine Udruženja poslodavaca FBiH je jednoglasno usvojen.

Tačka 3. Potvrđivanje Odluka Izvršnog odbora:

- a. Prijedlog Odluke o potvrđivanju delegata za 16. redovnu Skupštinu
- b. Prijedlog Odluke o dodjeli priznanja UP FBiH
- c. Prijedlog Izvještaja o radu UO UP FBiH za 2016. godinu
- d. Prijedlog Izvještaja delegacije ESV-a za teritoriju FBiH za 2016. godinu
- e. Prijedlog Finansijskog izvještaja UP FBiH za 2016. godinu
- f. Prijedlog Programa rada UP FBiH za 2017. godinu
- g. Prijedlog Finansijskog plana UP FBiH za 2017. godinu
- h. Prijedlog za razrješenje člana delegacije u ESV-u za teritoriju FBiH i imenovanju novog člana
- i. Odluka o podršci Projekta „Made in BiH“

Direktor UP FBiH Mladen Pandurević je podsjetio da se prema članu 36. Statuta Udruženja poslodavaca FBiH sve odluke koje donosi Izvršni odbor iz nadležnosti Upravnog odbora moraju potvrditi na prvoj narednoj sjednici Upravnog odbora.

Obzirom da nije bilo primjedbi na ovu tačku Dnevnog reda doneseni su sljedeći zaključci:

A.D. 3.a. Jednoglasno je potvrđena Odluka o potvrđivanju delegata za 16. redovnu Skupštinu.

A.D. 3.b. Jednoglasno je potvrđena Odluka o dodjeli priznanja UP FBiH.

A.D. 3.c. Jednoglasno je potvrđena Odluka o usvajanju Prijedloga Izvještaja o radu UO UP FBiH za 2016. godinu.

A.D. 3.d. Jednoglasno je potvrđena Odluka o usvajanju Prijedloga Izvještaja delegacije ESV-a za teritoriju FBiH za 2016. godinu.

A.D. 3.e. Jednoglasno je potvrđena Odluka o usvajanju Prijedloga Finansijskog izvještaja UP FBiH za 2016. godinu.

A.D. 3.f. Jednoglasno je potvrđena Odluka o usvajanju Prijedloga Programa rada UP FBiH za 2017. godinu.

A.D. 3.g. Jednoglasno je potvrđena Odluka o usvajanju Prijedloga Finansijskog plana UP FBiH za 2017. godinu.

A.D. 3.h. Jednoglasno je potvrđena Odluka o prijedlogu za razrješenje člana delegacije u ESV-u za teritoriju FBiH i imenovanju novog člana.

A.D. 3.i. Jednoglasno je potvrđena Odluka o podršci Projekta „Made in BiH“.

Tačka 4. Razmatranje i usvajanje Prijedloga Zakona o izmjenama i dopunama Zakona o porezu na dobit FBiH

Predsjednik UO UP FBiH Adnan Smailbegović je upoznao članove UO UP FBiH i ostale prisutne o namjeri Udruženja poslodavaca FBiH da pokrene Inicijativu za donošenje Zakona o izmjenama i dopunama Zakona o porezu na dobit FBiH.

Pozvao ih je da se izjasne da li imaju neke primjedbe na Prijedlog koji se mogao pronaći na web stranici sa ostalim materijalima.

Istaknuo je da je ključna stvar kada je u pitanju ovaj zakon *pojam reinvesticija*. U prijedlogu Zakona o izmjenama i dopunama Zakona o porezu na dobit FBiH predloženo je da se poreznom obvezniku umanjí obaveza obračunatog poreza za onoliko procenata koliko je visina investiranog iznosa u odnosu na ukupan prihod u godini investiranja, te da se proširi pojam investicija, jer je neopravdano zahtijevati da se samo za investicije iz vlastitih sredstava ostvaruje pravo na poreznu olakšicu.

Cilj države je da se investiranjem podiže konkurentnost domaće privrede, veće zapošljavanje a po tom osnovu i veće punjenje budžeta i vanbudžetskih fondova. Pri tome je potpuno nebitno da li te investicije potiču iz vlastitih sredstava, kredita, lizinga ili bilo čega drugog.

Direktor UP FBiH Mladen Pandurević je pomenuo da Udruženje poslodavaca FBiH zahtijeva oslobađanje plaćanja poreza po osnovu: investicija, izvoza, zapošljavanja i zapošljavanja invalida.

U diskusiji su iznešena sljedeća mišljenja:

Predsjednik Grupacije poslodavaca ZE-DO kantona Ibrahim Meškić je predložio da se u prijedlogu zahtjeva ukidanje akontativnog plaćanja poreza na dobit.

Predstavnik kompanije Feal d.o.o. Josip Kraljević je također predložio određene izmjene u vezi sa periodom oslobađanja plaćanja poreza na dobit. Pomenuti prijedlog će dostaviti stručnoj službi UP FBiH na razmatranje.

Član ESV-a za teritoriju FBiH Zoran Gazibarić je mišljenja da se treba insistirati na oslobađanju poreza na dobit po osnovu investicija i po osnovu izvoza. Izvoznici se mora dati neki podsticaj.

Nakon diskusije doneseni su sljedeći zaključci:

A.D. 4.1. Jednoglasno je usvojen Prijedlog Zakona o izmjenama i dopunama Zakona o porezu na dobit. Prijedlog čini sastavni dio ovog zapisnika.

A.D. 4.2. Prijedlog Zakona o izmjenama i dopunama Zakona o porezu na dobit biće upućen Ekonomsko-socijalnom vijeću za teritoriju Federacije BiH.

Tačka 5. Razmatranje Inicijative za donošenje Zakona o izmjenama i dopunama Zakona o zdravstvenom osiguranju FBiH

Predsjednik UO UP FBiH je upoznao članove o Inicijativi Udruženja poslodavaca FBiH za donošenje Zakona o izmjenama i dopunama Zakona o zdravstvenom osiguranju FBiH. Tekst Inicijative se može pronaći na web stranici Udruženja poslodavaca FBiH. Na ovu tačku Dnevnog reda nije bilo primjedbi.

A.D.5.: Jednoglasno je usvojena Inicijativa za donošenje Zakona o izmjenama i dopunama Zakona o zdravstvenom osiguranju FBiH. Pomenuta inicijativa čini sastavni dio ovog zapisnika.

Tačka 6. Razmatranje Inicijative kompanije DM drogerie markt d.o.o. u vezi sa usklađivanjem članova zakona RS i FBiH koji tretiraju deklaracije proizvoda i Inicijative u vezi sa zamjenom etiketa za cijene

Predstavnice iz DM kompanije Alma Aščić i Admira Isaković su prezentirale probleme sa kojima se njihova kompanija suočava, a tiču se neusklađenosti članova zakona RS-a i FBiH koji tretiraju deklaracije proizvoda, te kontrole od strane inspekcije, jer se način na koji se deklariraju proizvodi u Federaciji ne priznaju u RS-u i obrnuto. Na taj način se otežava poslovanje ove kompanije.

Drugi problem koji jeste obaveza da sa svakim ulazom robe mijenjaju cjenovne etikete radi ispisa evidencijskog broja bez obzira što svi proizvodi imaju bar code i mogu se povezati sa prijemnim listom. Takva obaveza nije postojala sve dok se nije izmijenio Pravilnik o vođenju trgovačke knjige i stavovi 2. i 3. člana 8. pomenutog pravilnika izbrisali. Predstavnicima iz DM

kompanije predlažu vraćanje ovih odredaba, jer ovakav način rada im oduzima mnogo vremena i otežava poslovanje.

Nakon diskusije doneseni su sljedeći zaključci:

A.D. 6.1. Inicijativa kompanije DM drogerie markt d.o.o. u vezi sa usklađivanjem članova zakona RS i FBiH koji tretiraju deklaracije proizvoda i Inicijativa u vezi sa zamjenom etiketa za cijene su jednoglasno usvojene.

A.D. 6.2. Inicijative će se uputiti Grupaciji poslodavaca iz oblasti trgovine na raspravu i razmatranje.

A.D. 6.3. Konačni tekst Inicijativa će biti upućen nadležnim institucijama na razmatranje.

Tačka 7. Razrješenje člana UO UPFBiH Željka Marijana i imenovanje novog člana Upravnog odbora UP FBiH

Direktor UP FBiH je upoznao članove UO UP FBiH da je raniji direktor Željko Marijan napustio Mljekaru Livno, a obnašao je funkciju člana Upravnog odbora UP FBiH. Shodno navedenom, potrebno je da se izvrši razrješenje Željka Marijana i imenuje Mario Čulina, koji je novi direktor Mljekare Livno za člana Upravnog odbora UP FBiH, čime će se obezbijediti kontinuitet rada. Na ovu tačku Dnevnog reda nije bilo primjedbi.

A.D.7.: Jednoglasno je razriješen član UO UPFBiH Željko Marijan i imenovan Mario Čulina kao novi član UO UP FBiH.

Tačka 8. Imenovanje jednog predstavnika za izradu Nacrta strategije zapošljavanja u Bosni i Hercegovini 2017-2020

U skladu sa dopisom Ministarstva civilnih poslova BiH, broj: 07-34-9-1862-HD/14, koji je zaprimljen dana 22.05.2017. godine, a kojim se Udruženje poziva da imenuje jednog predstavnika za učešće u Radnoj grupi u vezi izrade Nacrta strategije za zapošljavanje u BiH 2017-2020, predloženo je da se imenuje Muhamed Šaćiragić. Prilikom imenovanja vodilo se računa o stručnosti imenovane osobe. Na ovu tačku Dnevnog reda nije bilo primjedbi.

A.D.8.: Jednoglasno je podržan prijedlog da se imenuje Muhamed Šaćiragić kao predstavnik za izradu Nacrta strategije zapošljavanja u Bosni i Hercegovini 2017-2020.

Tačka 9. Informacija o važenju Općeg kolektivnog ugovora za teritoriju FBiH

Direktor UP FBiH Mladen Pandurević je obavijestio članove Upravnog odbora UP FBiH o stanju Općeg kolektivnog ugovora za teritoriju FBiH.

Opći kolektivni ugovor za teritoriju FBiH je objavljen u „Službenim novinama FBiH“ dana 22.06.2016. godine.

Na osnovu člana 29. Općeg kolektivnog ugovora, on se zaključuje na period od 12 mjeseci i njegovo važenje počinje teći od dana njegovog objavljivanja u „Službenim novinama FBiH“. (Objavljen je 22.06.2016. godine, što znači da važi do 22.06.2017. godine.)

Na osnovu člana 30. stava 3. Općeg kolektivnog ugovora, OKU se može produžiti sporazumom strana koje su ga zaključile najkasnije 30 dana prije isteka važenja tog ugovora.

Obzirom da ovaj ugovor nije produžen sporazumom, prema članu 29. stav 3. Općeg kolektivnog ugovora, ukoliko se ovaj kolektivni ugovor ne produži, po njegovom isteku, primjenjivat će se još 6 (šest) mjeseci od dana njegovog isteka.

Nakon toga, Opći kolektivni ugovor prestaje da važi.

A.D. 9.1. Članovi Upravnog odbora UP FBiH su primili na znanje informaciju o važenju Općeg kolektivnog ugovora za teritoriju FBiH.

A.D. 9.2. Upravni odbor UP FBiH je donio odluku kojom je utvrđeno da Udruženje poslodavaca FBiH neće prihvatiti produženje važenja Općeg kolektivnog ugovora, niti će pristupiti pregovorima o njegovim izmjenama niti zaključenju novog Općeg kolektivnog ugovora.

Tačka 10. Tekuća pitanja

Pod tekućim pitanjima raspravljalo se o:

- a)** Razrješenju člana Radne grupe za razvoj i testiranje Osnova kvalifikacijskog okvira i imenovanju novog člana
- b)** Informacija o stanju i fazi u kojoj se nalazi Zakon o porezu na dohodak, sa osvrtom na retroaktivno oporezivanje dividendi

Tačka a)

Direktor Udruženja poslodavaca FBiH upoznao je članove UO UP FBiH sa informacijom da ranije imenovana članica Ilda Jugo nije više zaposlenica Udruženja poslodavaca FBiH i da time prestaje i njeno članstvo u Radnoj grupi za razvoj i testiranje Osnova kvalifikacijskog okvira. Za novog člana predloženo je da se imenuje Jasmina Kurspahić, koja je zaposlena u pravnom odjelu Udruženja poslodavaca FBiH.

Tačka b)

Predsjednik UO UP FBiH je konstatovao da je novi Nacrt Zakona o porezu na dohodak trenutno u fazi javne rasprave i da Udruženje poslodavaca FBiH aktivno radi na formiranju amandmana na pomenuti zakon, a koji će se naći kao tačka na sljedećoj sjednici Upravnog odbora FBiH. U izradu amandmana uključen je i prof. sa Ekonomskog fakulteta Mehmed Jahić.

Istakao je da je na prošlom Upravnom odboru zaključeno da će UP FBiH načelno podržati usvajanje Nacrta Zakona o porezu na dohodak i Zakona o doprinosima da se upute u dalju Parlamentarnu proceduru uz zahtjev da se tokom trajanja procedure intenzivno radi na izmjenama članova koji ne idu u prilog poslodavcima. Također, UP FBiH će zatražiti da se istovremeno uz ova dva zakona razmatraju i izmjene slijedećih zakona:

1. Zakon o porezu na dobit
2. Zakon o finansijskom poslovanju
3. Zakon o računovodstvu i reviziji
4. Zakon o profesionalnoj rehabilitaciji i zapošljavanju osoba sa invaliditetom
5. Zakon o zdravstvenoj zaštiti
6. Zakon o podsticajima
7. Zakoni kojima se tretiraju parafiskalni nameti.

Miljenko Crnjac je istakao da je neophodno izmijeniti zakonsku odredbu kojom se oporezivanje dividende vrši na dan isplate, dakle prema sistemu blagajne. Porezna obaveza ne treba da se veže uz trenutak donošenja odluke o isplati dividende.

Dakle, nastoji se spriječiti retroaktivno djelovanje Zakona o porezu na dohodak, na način da se ne oporezuje dividenda koja je ostvarena, a nije isplaćena, jer je ostvarena u periodu kada nije postojala obaveza plaćanja poreza na dividendu.

Istakao je da postoji presuda Ustavnog suda Republike Hrvatske koji je retroaktivno oporezivanje dividendi i udjela u dobiti proglasio neustavnim.

Dogovoreno je da Miljenko Crnjac dostavi stručnoj službi UP FBiH presudu Ustavnog suda Republike Hrvatske o ocjeni ustavnosti retroaktivnog oporezivanja dividendi i udjela u dobiti.

Nakon diskusije doneseni su sljedeći zaključci:

A.D. 10.a. Jednoglasno je prihvaćen prijedlog da se razriješi Ilda Jugo kao član Radne grupe za razvoj i testiranje Osnova kvalifikacijskog okvira i imenuje Jasmina Kurspahić kao novi član navedene grupe.

A.D. 10.b.1. Članovi Upravnog odbora UP FBiH su primili na znanje informaciju o stanju i fazi u kojoj se nalazi Zakon o porezu na dohodak.

A.D. 10.b.2. Primjedbe koje su predložene na članove Zakona o porezu na dohodak biće razmotrene i uvrštene u amandmane Udruženja poslodavaca FBiH na pomenuti zakon.

Sjednica se završila u 13:30 sati

Zapisnik sačinila: Jasmina Kurspahić

Predsjednik UO
Adnan Smailbegović